

Ministarstvo unutrašnjih poslova Kantona Sarajevo

Na osnovu čl. 56. stav (2) i 66. st. (1) i (2) Zakona o organizaciji organa uprave u Federaciji BiH ("Službene novine Federacije BiH", br. 35/05), čl. 48. i 74. st. (3) i (4) Zakona o državnoj službi u Kantonu Sarajevo ("Službene novine Kantona Sarajevo", br. 31/16 i 45/19), člana 2. Zakona o namještenicima u organima uprave državne službe u Federaciji Bosne i Hercegovine ("Službene novine Federacije BiH", br. 49/05 i 103/21), člana 118. Zakona o radu ("Službene novine Federacije BiH", br. 26/16, 89/18 i 44/22) i odredbi Kolektivnog ugovora za državne službenike i namještenike u organima državne službe Kantona Sarajevo ("Službene novine Kantona Sarajevo", broj 51/23), ministar unutrašnjih poslova Kantona Sarajevo donosi

PRAVILNIK**O IZMJENAMA I DOPUNAMA PRAVILNIKA O
RADNIM ODNOSIMA DRŽAVNIH SLUŽBENIKA I
NAMJEŠTENIKA MINISTARSTVA UNUTRAŠNJIH
POSLOVA KANTONA SARAJEVO I UPRAVE
POLICIJE MINISTARSTVA UNUTRAŠNJIH POSLOVA
KANTONA SARAJEVO****Član 1.**

(Dopuna člana 8.)

U Pravilniku o radnim odnosima državnih službenika i namještenika Ministarstva unutrašnjih poslova Kantona Sarajevo i Uprave policije Ministarstva unutrašnjih poslova Kantona Sarajevo ("Službene novine Kantona Sarajevo", br. 4/22, 21/22 i 46/22) u članu 8. iza stava (2) dodaje se novi stav (3) koji glasi:

"(3) U slučaju prestanka radnog odnosa, Ministarstvo odnosno Uprava policije je dužno državnom službeniku i namješteniku koji nije iskoristio cijeli ili dio godišnjeg odmora isplatiti naknadu umjesto korištenja godišnjeg odmora u iznosu koji bi primio da je koristio cijeli, odnosno preostali dio godišnjeg odmora, ako godišnji odmor ili njegov dio nije iskoristio krivicom poslodavca."

Član 2.

(Dopuna člana 10.)

U članu 10. iza stava (3) dodaje se novi stav (4) koji glasi:

"(4) Državni službenik i namještenik, koji najmanje 30% radnog vremena radi na poslovima na kojima se uz primjenu mjera zaštite na radu nije moguće zaštititi od štetnih utjecaja ima pravo na godišnji odmor u trajanju od najmanje 30 radnih dana, a najviše do 45 radnih dana, u skladu sa važećim propisima."

Član 3.

(Izmjena člana 11.)

U članu 11. tačka d) alineja 3) mijenja se i glasi:

"3) samohranom roditelju, staratelju i licu kojem je dijete riješenjem nadležnog organa povjereno na čuvanje i odgoj sa hendikepiranim djetetom - dva dana;"

Član 4.

(Dopuna člana 13.)

U članu 13. u stavu (3) na kraju briše se interpunkcijski znak". "i dodaju se riječi" o čemu ministar odnosno policijski komesar donosi rješenje."

Član 5.

(Izmjene i dopune člana 18.)

- (1) U članu 18. u stavu (1) na kraju teksta briše se interpunkcijski znak". "i dodaju se riječi: "kao i za potrebe sindikalnog rada".
- (2) Stav (2) mijenja se i glasi:
"Državni službenik i namještenik, za vrijeme obrazovanja ili stručnog osposobljavanja ili usavršavanja, isključivo za

potrebe Ministarstva odnosno Uprave policije, ima pravo na plaćeno odsustvo u trajanju koliko traje obrazovanje ili stručno osposobljavanje ili usavršavanje."

(3) Iza stava (5) dodaje se stav (6) koji glasi:

"Državni službenik ili namještenik koji je predsjednik ili član sindikata ima pravo na plaćeno odsustvo za vrijeme trajanja pregovora oko zaključivanja kolektivnog ugovora, odnosno i u drugim slučajevima ukoliko se odazove na poziv na sastanak resornog ministarstva ili Vlade Kantona Sarajevo, ukoliko se sastanak održava u radno vrijeme."

Član 6.

(Izmjena člana 21.)

Član 21. mijenja se glasi:

"Član 21.

(Probni rad)

- "(1) Kada se radi o prvom zapošljavanju u organe državne službe, državni službenik i namještenik prolazi razdoblje probnog rada, koje obuhvata vrijeme uvođenja u posao i vrijeme obavljanja dužnosti i ukupno za državnog službenika traje šest mjeseci, a za namještenika tri mjeseca.
- (2) Ocjenu rada državnog službenika i namještenika za vrijeme probnog rada, predlaže rukovodilac organizacione jedinice, odnosno ovlaštena osoba koja prati njegov rad u Ministarstvu, odnosno Upravi policije.
- (3) Ocjenjivanje probnog rada državnog službenika i namještenika vrši ministar odnosno policijski komesar.
- (4) Ukoliko je ocjena rada zadovoljavajuća, ministar odnosno policijski komesar rješenjem potvrđuje postavljenje državnog službenika, odnosno raspoređivanje namještenika na radno mjesto.
- (5) Ukoliko je ocjena rada nezadovoljavajuća, ministar odnosno policijski komesar donosi rješenje o prestanku radnog odnosa u skladu sa zakonom.
- (6) Državnom službeniku i namješteniku, koji je za vrijeme probnog rada bio odsutan sa rada iz opravdanih razloga (bolest, porodijsko odsustvo, mobilizacija i sl.), probni rad se produžava za onoliko dana/vremena koliko je opravdano odsutan."

Član 7.

(Izmjena člana 24.)

U članu 24. u stavu (1) riječi " Kolektivnim ugovorom za državne službenike i namještenike u organima državne službe Kantona Sarajevo (Službene novine Kantona Sarajevo", broj 14/21), zamjenjuje se riječima "važećim Kolektivnim ugovorom za državne službenike i namještenike u organima državne službe Kantona Sarajevo".

Član 8.

(Dopuna člana 25.)

- (1) U članu 25. stav (2) tačka a) se dopunjava na način da se iza riječi "Ministarstvu" dodaju riječi "i Upravi policije"
- (2) U članu 25. stav (2) tačka a) se dopunjava na način da se iza alineje 7) dodaje alineja 8) koja glasi:
"8) Referent za poslove informisanja, akvizicije podataka, izdavanja dokumenata i administrativne poslove - područje općine Trnovo.
Dosadašnja alineja 8) postaje alineja 9), alineja 9) postaje alineja 10), alineja 10) postaje alineja 11), alineja 11) postaje alineja 12), alineja 12) postaje alineja 13), alineja 13) postaje alineja 14), alineja 14) postaje alineja 15).
- (2) U članu 25. stav (2) tačka a) se dopunjava na način da dodaje alineja 16) koja glasi:
"16) Viši samostalni referenti za oružje u Policijskim upravama, Uprave policije."
- (3) U članu 25. stav (2) iza tačke d) dodaje se nova tačka e) koja glasi:

"e) poslovi koji u opisu radnog mjesta podrazumijevaju arhivske poslove i poslove prijema, čuvanje i izdavanje materijalnih dokaza koji obavljaju namještenici u Upravi policije na slijedećim radnim mjestima:

- 1) Viši samostalni referent za finansijske i poslove blagajne;
- 2) viši referent-magacioner."

Član 9.

(Izmjena i dopuna člana 27.)

- (1) U članu 27. u stavu (1) iza riječi: "poslova", dodaju se riječi: "iz stava (2) ovog člana".
- (2) Stav (2) mijenja se i glasi:
"(2) Pripravnost za rad se određuje radi ustupanja podataka iz službenih evidencija (kaznena, prekršajna i operativna evidencija) izvan radnog vremena.
- (3) Dosadašnji st. (2), (3) i (4) postaju (3), (4) i (5).

Član 10.

(Stupanje na snagu)

Ovaj pravilnik stupa na snagu narednog dana od dana objavljivanja u "Službenim novinama Kantona Sarajevo".

Broj 01-9-4-13933/24
11. jula 2024. godine

Ministar
Admir Katica, s. r.

Na osnovu člana 21. stav (2) tačka e) Zakona o unutrašnjim poslovima Kantona Sarajevo ("Službene novine Kantona Sarajevo", br. 1/16, 26/19, 31/19 i 39/20), čl. 38. i 47. Zakona o plaćama i naknadama u organima vlasti Kantona Sarajevo ("Službene novine Kantona Sarajevo", br. 5/19 i 40/22) i odredbi Kolektivnog ugovora za državne službenike i namještenike u organima državne službe Kantona Sarajevo ("Službene novine Kantona Sarajevo", broj 51/23), ministar unutrašnjih poslova Kantona Sarajevo donosi

**PRAVILNIK
O IZMJENAMA I DOPUNAMA PRAVILNIKA O
PLAĆAMA I NAKNADAMA DRŽAVNIH SLUŽBENIKA
I NAMJEŠTENIKA MINISTARSTVA UNUTRAŠNJIH
POSLOVA KANTONA SARAJEVO I UPRAVE
POLICIJE MINISTARSTVA UNUTRAŠNJIH POSLOVA
KANTONA SARAJEVO**

Član 1.

(Izmjene i dopune člana 8.)

- (1) U Pravilniku o plaćama i naknadama državnih službenika i namještenika Ministarstva unutrašnjih poslova Kantona Sarajevo i Uprave policije Ministarstva unutrašnjih poslova Kantona Sarajevo ("Službene novine Kantona Sarajevo", br. 4/22, 8/22, 21/22 i 46/22) u članu 8. u stavu (1) riječi: "za ocjenu "izuzetno uspješan"/"naročito uspješan 2% od osnovne plaće", zamjenjuje se riječima " za ocjenu "izuzetno uspješan"/"naročito uspješan 5% od osnovne plaće, a za ocjenu "uspješan" 2% od osnovne plaće."
- (2) Iza stava (2) dodaje se novi stav (3) koji glasi:
- "(3) Primjena procenta na ime ocjene rada iz stava (2) ovog člana počinje sa danom stupanja na snagu Kolektivnog ugovora za državne službenike i namještenike u organima državne službe Kantona Sarajevo ("Službene novine Kantona Sarajevo", br. 51/23)."

Član 2.

(Dopuna člana 9.)

U članu 9. stav (2) iza tačke d) dodaje se nova tačka e) koja glasi:

"e) za radna mjesta utvrđena članom 25. stav (2) tačka e) Pravilnika o radnim odnosima državnih službenika i namještenika Ministarstva unutrašnjih poslova

Kantona Sarajevo i Uprave policije Ministarstva unutrašnjih poslova Kantona Sarajevo u iznosu od 10% od osnovne plaće."

Član 3.

(Izmjena člana 14.)

Član 14. mijenja se i glasi:

"Član 14.

(Naknada za godišnji odmor)

Državni službenik i namještenik za vrijeme godišnjeg odmora, ima pravo na naknadu plaće u visini svoje neto plaće iz prethodnog mjeseca."

Član 4.

(Izmjena člana 18.)

U članu 18. stav (3) mijenja se i glasi:

"(3) Bolest, odnosno tjelesna povreda se dokazuje na osnovu nalaza, ocjene i mišljenja Instituta za medicinsko vještačenje zdravstvenog stanja, te se invalidnost dokazuje od strane organa ovlaštenog za utvrđivanje invalidnosti."

Član 5.

(Izmjena člana 21.)

U članu 21. u stavu (1) riječi: "pet ostvarenih prosječnih neto plaća", zamjenjuje se riječima: "šest ostvarenih prosječnih neto plaća".

Član 6.

(Izmjena člana 23.)

Član 23. mijenja se i glasi:

"Član 23.

(Naknada plaće i druge naknade za vrijeme rada sa polovinom punog radnog vremena uposlenika - roditelja djece čiji je invaliditet u utvrđenom procentu od 100% i 90%)

- (1) Jednom od roditelja djece čiji invaliditet u utvrđenom procentu od 100% i 90% ima pravo da radi polovinu punog radnog vremena, u slučaju da se radi o samohranom roditelju ili da su oba roditelja zaposlena, pod uvjetom da dijete nije smješteno u ustanovu socijalno-zdravstvenog zbrinjavanja, na osnovu nalaza nadležne zdravstvene ustanove, pripada pravo na naknadu pune plaće i naknade utvrđene važećim kolektivnim ugovorom u punom iznosu kao da radi puno radno vrijeme.
- (2) Roditelju, koji koristi pravo iz stava (1) ovog člana, pripada pravo na naknadu pune plaće, dok ovo pravo na naknadu ne bude regulisano posebnim zakonom."

Član 7.

(Novi član 23a.)

Iza člana 23. dodaje se novi član 23a. koji glasi:

"Član 23a.

(Naknada plaće i druge naknade za vrijeme rada sa polovinom punog radnog vremena žene sa djetetom najmanje do jedne godine života i žene koja ima blizance, treće i svako slijedeće djetete)

- (1) Nakon isteka porođajnog odsustva, ženi sa djetetom najmanje do jedne godine života koja radi polovinu punog radnog vremena i ženi koja ima blizance, treće i svako slijedeće djetete i koja ima pravo da radi polovinu punog radnog vremena do navršene dvije godine života djeteta, pripada pravo na punu plaću i naknade utvrđene važećim kolektivnim ugovorom u punom iznosu kao da radi puno radno vrijeme.
- (2) Pravo iz stava (1) ovog člana može koristiti i radnik- otac djeteta, ako žena za to vrijeme radi u punom radnom vremenu.
- (3) Ukoliko lice koje ostvaruje pravo iz ovog člana ostvaruje i dio naknade po istom osnovu, a iz drugih izvora, Ministarstvo, odnosno Uprava policije će isplaćivati razliku naknade do visine punog iznosa plaće."